

忠正德文集

欽定四庫全書提要

忠正德文集

卷宋趙鼎撰鼎字元鎮

號得全居士解州聞喜人登崇寧五年進士第累

官尚書左僕射同中書門下平章事兼樞密使卒

贈太師追封豐國公謚忠簡事迹具宋史本傳初

紹興五年鼎與何炳等上宗實錄成高宗親書忠

正德文四字賜之因以名集史稱其為文渾然天

成凡軍國機事多其視草有奏疏詩文二百餘篇

忠正德文集

提要

一

紹興正論陳振孫書錄解題皆作十卷今久佚不

傳僅就永樂大典散見各條按時事先後分類哀

綴得奏議六十四篇駢體十四篇古今體詩二百

七十四首詩餘二十五首筆錄七篇又據歷代名



臣奏議增補十二篇仍釐為十卷計所存者尚二

百九十六篇與宋史所稱二百餘篇不符疑其集

本三百餘篇傳刻宋史者或偶悞三字為二字歟

鼎南渡名臣屹然重望氣節學術彪炳史書本不

以詞藻爭短長而出其緒餘無忝作者蓋有物之



言有不待雕章繪句而工者觀于是集可以見一斑矣乾隆五十年六月恭校上

總纂官臣紀昀臣陸錫熊臣孫七毅

總校官臣陸費墀

忠正德文集

提要

二

忠正德文集目錄

卷一 論政

奏議

陳防秋利害

論屯兵疏

論時政得失

論明善惡是非

乞不指前朝過失狀

願法太祖仁宗劄

忠正德文集

目錄

論聽納不諱

請覈軍功疏

乞措置吏部叅選事

論省部取受


論役法劄

乞勸獎翟興

奏論防江民兵

卷一 論敵退事宜

忠正德文集 卷一 論修具事宜



論西幸事宜狀

論駐蹕戎服

論畏避苟且欲上下任責

論回蹕

論親征

奏論放商稅等事狀

卷二 乞命侍從薦舉人才

論福建兩川鹽法奏

乞支降岳飛軍馬錢糧狀

忠正德文集

目錄

二

乞下湖北帥司提備敵馬狀

乞下湖北帥司防托武昌等處狀

卷二

奏議

知洪州乞支降錢米狀

奏乞應副李橫狀

乞撥米應副襄陽李橫軍馬狀

乞免上供紙

乞下鄰路防托虔寇

乞免勘喬信

乞免攝文廣狀

措置防秋事宜

乞於岳鄂屯駐岳飛人馬狀合逐軍自行備辦

奏乞節制岳飛狀

乞收畱宿遷官吏狀

乞曲赦虔寇

除宣撫處置使朝辭疏

奏乞叅酌呂頤浩等申請指揮狀

忠正德文集

目錄

三

條具宣撫處置使司畫一利便狀

乞辟差官屬依例帶出見任職事狀

論防邊第一疏

論防邊第二疏

乞降指揮樁管糧食狀

乞降旨乘載輜重老小船並合逐軍自行備辦

狀

卷三

奏議

除右相論防秋

乞親筆付諸將防托

措置防托畫一事宜狀

論親征

奏承楚事宜狀

奏呂祉所陳狀

論降親筆付邵溥等

乞除朱震職名狀

乞許亢宗與職名除郡

忠正德文集

目錄

進廖剛世綵堂集劄

奏某人差除狀

乞追贈邵伯溫狀

論行遣章蔡狀

援任申先第一疏

援任申先第二疏

乞劉寧止等上殿

乞抑內侍奏

知紹興乞差兵馬防海道

經筵論事第一疏

經筵論事第二疏

建康府軍兵強奪民物等狀

論水軍作賊劄子

奏韓世忠屯軍事宜狀

乞辨黃綏事

又

又

請與潘良貴等職名官觀狀

忠正德文集

目錄

五

乞賜岳飛親筆

罷政奉祠奏議

卷四

表

辭免知樞密院川陝宣撫處置使表

謝除知樞密院事川陝宣撫處置使表

重修神宗皇帝實錄繳進表

辭免實錄成除特進表

謝恩數表

謝史館進書回授恩例表

謝生日賜牲犧表

謝知紹興到任表

謝進哲宗實錄成書除特進表

謝再除紹興到任表

謝泉州到任表

泉州謝落節表

謝到潮州安置表

謝到吉陽軍安置表

忠正德文集

目錄

六

卷五

贊

蔡忠惠公遺像贊

五言古詩

己亥秋陪伯山遊中條窮盡山中之勝明年春

迂王毅伯再過山下呈伯山

陪王毅伯遊柏梯寺次毅伯韻

次韻

再次韻

王官谷夜歸次伯山韻

出郭次伯山韻

欲遊靜林不果

翠微閣

南泉

還城次必強韻

獨樂園夜飲梅花下再賦

次韻酬贈元長少卿

寄贈向叔美二首

忠正德文集 目錄

夢覺一首時將解安邑赴調

龜山寺詩

儀眞玉清昭應宮成鑄聖像於此

舟行著淺夜泊中流

吳帝廟

泊震澤道中步游善宥寺觀芍藥回舟中小飲

用范四韻

過平望趨吳興阻風遊殊聖寺用益謙韻

過子陵灘題僧舍壁

奉送呂若谷縣丞任蒲東歸五首
真率會諸公有詩輒次其韻
寄金陵諸幼

七言古詩

乙巳二月初八日集獨樂園夜飲梅花下會者

宋退翁胡明仲馬世甫張與之王子與林秀
京才及余凡七人以炯如流水涵青蘋爲韻賦

次韻退翁遊北山之什

雪中獨坐退翁索詩

戊申正月行在叅吏部示諸幼

京師次韻邵澤民憶擬江梅花

八

役所寒食卽事

去秋七月登舟逮此一年矣六月晦日午睡覺

小言聞兒女輩相謂曰明朝又是秋風起推枕悵

密然走筆記之

泊桐廬縣合江亭下昔有得道之士不知姓名

結廬山間手植桐數本因謂之桐君縣亦以

密然走筆記之

密然走筆記之

密然走筆記之

此得名坐土呈示具

舟中呈耿元直

閱陶集偶有所感

謝人惠麥穗

五言律詩

五排附

車駕還汴

圍城次退翁韻

將歸先寄諸幼

還家示諸幼

忠正德文集

目錄

九

還家

馬靖國後軒

蒲中次韻提舉趙正之秦亭唱和五首

再到蒲中遊穆氏園

贈普照監院

六合縣相僧

中秋呈元長

中秋醉後

九日置酒坐上呈元長

毗陵道中

登蘭溪亭

左馮翊寄東鎮張致一兼簡聞喜親舊

次韻富季申寄示

次韻富季申雪中卽事時聞北兵內侵京師戒

嚴二首

後數日雪再作

發杭州有詩太遽者

東軒卽事二首

忠正德文集目錄

聞有長沙之命

泊小金山覺渡寺僧言建德知縣桐廬知縣發

州教授皆被召

登舟示邗子友

聞郭瑾懷甫除郎

七言律詩

七排附

秋試鎖宿府學

登第示同年

守官長道之岷南過馬務寨示知寨石殿直

酬贈黃倅

馮翊次韻邵子文寄贈之什

夜送客至馬鳴橋

從軍滑臺

登廓軒用王穆之秀才韻

河南畱守王大賓

洛陽九日次韻縣尉

次韻縣尉

縣丞呂若谷置酒異亭

忠正德文集

目錄

十一

再用前韻

次韻張與之登異亭

洛中次韻河南令王子與觀梅

定海路中觀梅

建隆寺詩

紅門掃役所觀河

役所寒食晚歸

之官開封泛洛東下先寄京師故舊

暮春

和元長暮春

早發示絲菊山山廡學之什因亦

別張德遠詩

林鐘中小飲

清涼寺

示范六

將發泗上

范公贈

至宿聞陸昭中病瘧

示陸昭中

六月十三日書呈元長

用元長韻贈空老

夜坐

忠正德文集

目錄

泊真州聞外詩

十三

過高郵飲張才甫家作詩爲別

和鄭有功次范元長韻

歲晏感懷

臥病一首

已酉正月初

次韻子蒼諸公韻

再用前韻示范六

將至三衢楊村道中小飲

長沙倅劉元舉寄示叅議伯山酬唱之什因亦

次韻二首

送張京與之宰解縣

得蜀信

寒食日書事

清明詩

和元長書懷二首

晚風定放小舟江心

同苗秀才楊山人登舟

靖安道中見梅

忠正德文集

目錄

三

又泊蘭溪亭

發四明奔昌國用韓叔夏韻呈覺民叅政

過石佛洋

越土水淺易涸而近山無木可採故常有薪水

之憂既歸黃岡遂脫此責作詩示同舍

丁未冬同陸昭中渡江泊秦淮稅亭之側癸丑

再三月自建康移守南昌登舟顧覽卽昔年繫

纜之所也時昭中亡矣感歎存沒作詩寄黃

次張真君韻

中秋夜清坐讀歐陽公正統論二首

九日晚坐獨酌一杯

泊舟鹽橋兒子洙輒于市買歷尾題云客裏其

如日費多因取筆足成一詩

雪中與洙輩飲

卷六 大雪連日不已

雪晴東軒獨坐

過石門洋

忠正德文集

目錄

七

丙子夏病臥汗後

河中太守

卷六

七言絕句

聽琴次退翁韻

正月十八日枕上

山中書事

山居次韻止老

再用花字韻示止老二首

次韻止老見贈

老媪折山櫻一枝觀具開落

有送生鳩者放之使去

登第西歸過甘羅廟題詩壁間

宿宣化鎮僧寺

蒲中雜詠

安民堂

吏隱堂

進思閣

忠正德文集

目錄

頌樂堂

賞心亭

紅雲閣

名閫堂

道遙樓

白樓

文瑞堂

建安堂

必種軒

河山閣

種學軒

精思軒

竹軒

北閣

鶴雀樓

披風亭

訂齋

臨川亭

思正德文集

目錄

河西亭

行慶關

鐵佛寺

李園

淙玉亭

逍遙亭

此君亭

御波亭

王母觀

四面山堂

涵虛閣

南軒

虞鄉道中菊

和通守王元美二絕句

和倅車韻

解池役所大風

解梁別李氏女子晚宿靜林寺

客舍重九

忠正德文集

目錄

七

揚州竹西亭

大明水

秋江晚渡

雨夜不寐

泊秦淮雪中一絕

次韻退翁雪中書事

阻風回舟泊新河口飲李氏酒肆後軒

泊柴家灣風物宛如北上

三衢多碧軒

將至常山先寄諸幼
送張京與之宰解縣

次明仲韻

除吏部郎題建康省中直舍壁

役所書事用山谷觀化韻

會鄭有功示隘裡夫蕭蕤芝曲因用其韻

自越趨明上虞道中和季申梅四首

自四明回越宿通堰下

彥文攜玉友見過出示致道小詩因次其韻

忠正德文集目錄

十六

無題

再書一絕

元長謁仲長彥文贈以樽酒

范元長寄示劉野夫滿庭芳曲因用其語戲呈

次韻元長觀梅三首

建康得家書寄元長觀梅詩因次其韻

枕上

夢覺

泊白鷺洲時辛道宗兵潰犯金陵境上金陵守

不得入

泊盈川步頭舟中酌酒五首

乙卯秋聞右相平陽公作絕句寄之

丁酉春紹興書懷

送張汝霖糾左馮翊六絕

病愈

獨坐東軒

潮陽容老出遊閩浙過泉南當謁湧老禪師因

寄四句偈

思正德文集

目錄

九

吉陽寄李泰發

詩餘

醉蓬萊

慶壽

燕歸梁

為人生日作

畫堂春

春陽

醉桃園

春曉

少年遊

山中送春

怨春風

閨怨

念奴嬌

晚興

賀聖朝 秋思

蝶戀花 春思。河中作。

減字木蘭花 和倅車韻倅將還闕因以送之

水調歌頭 甲辰九月十五日夜飲獨樂見山臺坐中

虞美人令 送信道舅先歸桐宮

好事近 雪中攜酒過元長

又 次前韻

又 再次前韻

又 再次前韻

忠正德文集 目錄

鷓鴣天 客裏逢春

望海潮 八月十五日錢塘觀潮

河傳 秋夜旅懷

浪淘沙 九日會飲分得鴈

浣溪沙 送邢子友

賀聖朝 丙辰歲生日作臺坐中

西江月 福唐別故人

洞仙歌

琴調相思令 思歸詞

八月圓 中秋

滿江紅 丁未九日南渡泊舟儀真江口

浣溪沙 美人

點絳脣 春愁

卷七 又 惜別

建炎筆錄

卷八

丙辰筆錄

忠正德文集 目錄

三

丁巳筆錄

卷九

使指筆錄

卷十 辨誣筆錄

卷十

家訓筆錄

自誌筆錄

附錄

宋史本傳

忠正德文集卷一

宋趙鼎撰

奏議

交陳防秋利害

建炎三年五月十五日奉旨許郎官以上條具防秋利害二十五日上○

按鼎以建炎三年四月除司動員外郎

臣竊惟東晉之遷國勢微弱惟其設淮上之備以嚴外戶扼荆襄之要保有上流是以能建都江左歷年滋久今車駕駐蹕建康則荆淮之防托沿流之斥堠誠爲急務斥堠之不明以措置不專勸賞不立也自來委之軍忠正德文集

卷一

一

中及沿路州縣而軍或散亡城亦失守倉皇阻絕力所不暇今欲自御營及諸軍州縣各選募使臣兵級立定人數信賞必罰不任出戰城守之責專令探報如此則人得盡力而事不失實矣防托之不謹以事出倉卒不能預備也自來俟有警急乃始調發而陣未成列兵刃已交退無所歸披靡逃潰今欲前期選閱受成而出各使分孽遠近占據形勢習熟其山川險易之宜以爲出入邀襲之計廣積芻糧嚴設塹柵出而掩擊入而拒守如此則前有以阻遏而後能牽制矣雖然防托之任正

惟其人未得其人計將安出臣竊謂黃帝時諸侯相侵
伐暴虐百姓於是習用干戈以征不享然而遷徙往來
無常處以師兵爲營衛所以能戰炎帝伐蚩尤逐葷粥
以去天下之不順者今陛下欲久畱此邪願如臣所陳
謹斥堠防托之備慎將帥委任之選保無後患堅守不
動爲長遠之計可也苟或未然則維揚之禍可不鑒哉
臣願陛下深懲旣往之失常爲去就之謀以六宮所止
爲行宮以車駕所至爲行在吏部注授並依八路戶部
金帛貯之諸州凡宗廟祭祀禮文物及六曹百司之
閑慢者並歸之行宮而差除陞擢號令賞罰出於行伍
隨駕之兵不在多選擇萬餘以備儀衛其餘兵將分布
江淮預設控扼旣有以分軍食又有以相應援行在官
兵旣省則用度易足進退簡便或駐江浙或臨淮甸延
見父老省察風俗旌別善惡搜揚人才召集軍兵振耀
威武使敵人知有預備而莫測巡幸定居之所則恐未
敢再謀窺伺然後別遣能臣出使關陝收六郡良家子
募爲効用優諸路弓箭手足其闕額以至蠲私田之稅
如弓箭手法推之全陝諸郡因其民俗復唐府兵之制

待以歲月訓練精熟則四方之事庶有可爲者且關中
四塞之國周以龍興秦以虎視漢高祖所以卒能并強
楚成帝業者以其先得關中之地是知古先帝王欲大
有爲於天下莫不在此今固未可幸陛下他日圖之

論屯兵疏

建炎三年。按此篇永樂大典
不載今從歷代名臣奏議增入

臣伏見比來臣寮上殿奏陳利害并羣臣應詔條具及
二府大臣延見賓客獻陳已見江淮監司郡守前後申
請防秋要切之務不過控扼上流防托淮甸固護江浙
一帶自四月迄今百有餘日慮之固已無餘策大率以

忠正德文集

卷一

三

兵爲先而分兵固守占據地形習熟其山川險易之宜
以爲出入邀襲之計要在前期而遣則軍行從容民不
駭愕今已秋矣未見分兵而出也一旦邊報有警敵騎
南來風勁馬驕倏至泗上則淮甸震驚聲搖江左陛下
其能安居於此乎或謂俟杜充至然後分遣今道路梗
澁充若久之未至終將不遣耶儻預爲撥發各使安堵
俟充之至盡以付之有何不可自來出兵例皆畱滯今
日上畫一明日請器甲今日支借請錢糧明日散起發
犒設般挈老少編排舟舡動有十日半月之事比至按

隊渡江各到屯泊去處又須旬餘非可傳箭而集舉鞭而行也待其有警而後發不亦晚乎是時上下惶駭軍情憂疑將有去畱嚮背之意安在其爲控禦哉若以謂淮甸上流自有兵將分擘已定不須遣兵則幸也苟或不然臣實憂之後時之悔其可再耶臣願降旨開具上自荆襄下及楚泗屯泊地分所屯兵馬大將爲誰置司處所先聲後實未必皆然多作條畫揭示一勝姑以安士民之念亦使敵人知吾有備所謂伐謀也

論時政得失

日歷併扈從錄載建炎三年六月初三日奉聖旨以久雨多寒召郎官以

忠正德文集

卷一

四

上赴都堂條具時政得失可以收人心召和氣弭天變者呂頤浩奏之令實封以聞

臣聞雨暘寒暑過差之節繫之陰陽逆順盛衰之理春秋洪範之所紀漢諸儒之論載之詳矣臣不暇推證有勤聖覽臣竊謂久雨多寒陰沴之候其應則兵禍不解民心離散小人道長也臣嘗求其致之之說敢獻於陛下竊惟祖宗之有天下也歷五季兵火之餘險阻艱難皆目擊而身蹈之故其建立足以垂法萬世以聖繼聖至於仁宗四十餘年號稱極治子孫守而勿失復何加焉厄運所鍾社稷不幸乃有王安石者用事於熙寧之

聞以一己之私拂中外之意巧增緣飾肆爲紛更祖宗之法掃地殆盡於是天下始多事而生民病矣假闢國之謀造作邊患興理財之政困窮民力設虛無之學敗壞人材獎小人抑君子塞言路喜姦諛扇爲刻薄輕浮之俗日入於亂賴宣仁垂簾深鑒其害首因改元昭著至意所行者仁宗之法所用者仁宗之人涵養十年民瘼小愈夫何治世之日少亂世之日多復有蔡京者崛起於崇寧之初竊堯舜孝悌之說託紹述熙豐之名畢力一心祖述安石以安石之政敷演枝蔓浩然無涯至於不可限極而後已兵連禍結外侮交乘二聖北轅朝廷南渡則安石闢國之謀而蔡京祖述黷武之患也繁文酷吏上下相繩鞭撻追呼農畝失業則安石理財之政而蔡京祖述厚斂之患也僥冒蠶進依阿取容當官有營私之心而臨難無仗節之義此又安石敗壞人材之科而蔡京祖述寶興賢能之患也黷武而兵禍不解厚斂而民心離散至於寶興賢能之弊則習爲軟熟柔佞之資無復禮義廉耻之節士風彫喪君子道消矣故凡今日之患始於安石成於蔡京自餘童貫王黼輩曾

何足道今貫黼已誅而安石未貶猶得配享廟廷蔡京未族而子孫飽食安坐臣謂時政闕失無大於此者其欲收人心召和氣烏可得哉故於陛下播越之中示此陰沴之戒天之警悟不啻諄諄之戒冀陛下知其所自痛懲而亟革之也伏觀近降赦文遵用嘉祐勅令周卹黨臣之家是將以元祐爲法而有意乎仁宗之治矣嗚呼無聊憔悴之民茲亦有少安之漸乎然而德意未敷天災未弭者以政令未歸於一致風俗猶裂於多岐談詩書陳治亂者非安石之學則蔡京之人也遺患流毒

忠正德文集

卷一

六

浸淫人間牢不可破甚於膠漆徒使陛下焦心勞思孜孜訪問雖日下求言之詔是誠何補風俗之難移從古所患唯陛下明於聽覽果於取捨其或中外臣寮因事奏請有涉於安石蔡京之遺意者皆不利社稷之人願明正典刑播告天下使四方萬里之遠皆知陛下用心所向庶幾變之有漸此風一變然後可以言治其他細故不足爲陛下陳之

論明善惡是非

扈從錄載建炎三年六月二十日除司諫先有旨奏事未對開差除

至七月初一日上殿自是言事數對不復記

臣嘗謂天下有公論不可以力制不可以智勝由堯舜周孔以迄於今如權衡之設黑白之辨自一人之善惡至朝廷之賞罰一付於此則天下治矣國家陵遲衰弱之漸人皆謂敵國之爲患其亦知有以致之乎以善惡是非之倒置公論久鬱而不明也其來久矣禍胎至深固宜痛心疾首亟變而力新之如救焚溺唯恐不及如去惡草絕其根本使風教純一物情和會則人之所欲天必從之悔禍於我其或在是縉紳者聞猶昧此或狃於術業之異或牽於恩舊之私陰有所懷巧爲阻遏忘忠正德文集

卷一

七

乎大公至正之道而甘心於忘國喪家之術亦其人之不幸歟非特其人之不幸也宗廟社稷天下生民之不幸也靖康之初發蔡京之罪錄黨籍之家而議者則曰今邊事未息軍政未修忽而不省乃復爲此不急之務建炎之初辨宣仁之謫復詞賦之科而議者又曰今二聖未還兩河未復置而不問乃復舉此迂濶之議其言一行姦計潛發遂使上皇引咎哀痛之詔半爲空文淵聖紹復祖宗之言迄無成效噫太平之治須太平而爲之抑亦爲之而後至耶苟惑於其說如前所云則天下

之事無時而可爲雖善惡是非久鬱於公論者亦不得而措辭矣必欲厭服人望得其歡心不亦難哉唐憲宗用皇甫鏘程异爲相裴度論之曰可惜者淮西盪定河朔底寧承宗斂手削地韓洪興疾討賊豈朝廷之力制其命哉但以處置得宜能服其心耳德宗當奉天之難詔問陸贄一時急務何者切直贄對以理論之本繫於人心况當變故搖動之時在危疑向背之際人之所歸則植人之所去則傾安可不審察羣情同其欲惡使億兆歸赴以靖邦家此誠當今之急務也以裴度陸贄之

忠正德文集

卷一

八

才非不知高城深池堅甲利兵與夫折衝制勝爲禦侮防患之策而納忠於君者其言如此誠知弭亂之本歟陛下紹膺大統適茲多難欲大有爲必知其要念憲宗中興之業在處置之得宜察陸贄理論之言繫人心之向背凡祖宗之法復而未盡崇觀之患染而未除以至進退賞罰苟當於人心而合乎公論雖流離顛沛而因革可否不可一日而廢唯公論著善惡明興議攸歸士風丕變則慕德向化心說而誠服之矣寧謂已往之事無益於今耶若夫積粟練兵之計攻守奇正之謀當責

之有司而朝廷之上朝夕之所講明者正宜在此唯陛下不以疎濶而忽之

乞不指前朝過失狀

按自此至乞勸獎翟興疑皆爲司諫時所上

恭惟太上皇帝在位二十六年慈仁厚德涵育四海每詔令之下未嘗不勤勤懇懇以愛恤百姓爲言也不幸朝臣失政爭務阿諛積稔蔽欺馴致禍亂今天下父老恨委任之非人痛太上之北狩未嘗不歎息流涕焉陛下承嗣大統適丁多難修身慎行期底康平上欲以推太上慈愛之心下欲以拯中原塗炭之苦至誠之德可

忠正德文集

卷一

九

格於天惟是四方封奏百僚獻陳尚以崇觀宣政爲言諒惟陛下以父子之愛所不忍聞也夫政事惟議其是非人材唯審其邪正因革進退歸之於至當之論則可矣况當時誤國之人悉已竄逐奚必紛紛然深指前日之過哉願明降詔旨中外之人皆知聖意伏乞施行

願法太祖仁宗劄

按歷代名臣奏議載此繫建炎三年

臣竊惟國家之有天下也始以太祖之武建創業垂統之功繼以仁宗之仁得持盈守成之道致治之術先後相成垂裕後昆爲法萬世哲宗時講官顧臨進言曰今

不必遠引堯舜三代之法如祖宗之法則陛下之家法也宰相呂大防因舉祖宗之法切於時政者十數事當時以爲美談恭惟皇帝陛下承列聖之後履茲厄運孜孜圖治亦知有所稽法哉近降赦文遵用嘉祐勅令是將法乎仁宗之仁矣至於臨部伍申號令親戎旅之事推腹心同甘苦協將士之情赫斯一怒旋乾轉坤又以法乎太祖之武則中興之治誠不難致是皆陛下之家法也舉而措之事業之閒復何加焉尚願持之以不倦之誠而期於必成之效則天下幸甚

忠正德文集

卷一

十

論聽納不諱

臣聞治安成於所憂而禍患生於所忽古之人君所以兢兢業業不敢逸豫者慎之至也昨未渡江時朝廷便謂無事志得意滿偷安苟容士大夫知其惡聞邊患也則務爲太平之說以投合其好亦因以得美官爭先相高惟恐說之不售而聽者滋惑矣於是忽其所憂緩其所急儲金帛修禮文偃然爲經遠之謀而無復外寇之慮一旦倉皇難作不復支持譬猶病者諱而不語人或告之以病證之萌則拂然不說其不至於喪亡則幸也

方事之初得以爲計漫不加省爲患必深至其已然悔
恨何極臣願陛下防微杜漸每惟禍亂之憂屈已虛心
不以顛危爲諱或進言之人謂強敵已驕不難殄滅盜
賊細故不足翦除如某人之爲將可倚以成功如某處
之財力可取以足用此維揚之遺風諛佞之所爲也亦
願陛下力拒其言不以容悅見納亦猶病者眷眷焉唯
求安是念雖復沉疴之痼而良醫善藥日造門下庶幾
其有瘳矣區區愚忠敢以此爲獻惟陛下畱神省察

請覈軍功疏

建炎三年。按此篇永樂大典
不載今從歷代名臣奏議增入

忠正德文集

卷一

十一

臣竊謂國家武功之不立以軍政之不修軍政之不修
以勸賞之不明也自崇觀用兵以來積爲斯弊至有殲
身鋒鏑之下而不蒙卹贈執役權要之門而反被優恩
進退取舍無復公道勸賞如此何以責人死力玩習之
久今猶未除遂使轅門之士扼腕竊議憤憤不平實禍
亂所由興也雖然賞不患乎吝患乎濫賞至於濫與無
賞等蓋賞以待有功以功被賞人則爲榮樂事赴功率
爲我用今也有功者賞無功者亦賞得之固不爲榮亦
何必有功而可得倖門百出賄賂相高臨敵當先果誰

用命奏功來上人得掛名淆亂其間公私相半受賞者則懷恩於私室無賞者則歸怨於朝廷是皆冒濫之弊有以致之不可不察也前此固不可以概舉昨勤王之賞最爲有法高下品第人無閒言雖朝廷立意盡公不容少紊而有司受情作弊豈得無私竊聞常州通判梁汝嘉之弟身在衢州常州推官林達卿之弟身在福建掛名功狀隨例補官足蹟未嘗及軍將士不識其面與臨陣効死之人同被戰功之賞此物論所以未免紛紛也然臣所知止此二人而已其所不知可勝計哉臣愚

忠正德文集

卷一

七

欲望特降指揮別作措置今後將帥及應干有司保明公狀未嘗立功而輒敢掛名者重立賞錢許人告捉有官人奪所有之官無官人奪所冒之官盡以授之量事大小更與推恩保明官吏及冒賞之人重寘於法所給賞錢亦令均備稍革弊病以勸忠勤是乃君天下役使羣動之術也

乞措置吏部參選事

臣竊惟士之失職責在朝廷比緣國步艱難例不得調有勢援者堂中擇闕而寒遠坐受困弊陛下灼見其事

已令措置盡還部闕士大夫方有赴調之期無不欣快然臣聞參選之人多被沮抑既無案籍稽考則法令隨事變更吏得因緣爲姦而以書鋪爲假手之地故一人參選謂之鋪例者不下數十千至如召保官之類費尤不貲參選已如此况注擬耶臣以謂宜令吏部裁定保官之數如行在職事官一員用本司印狀許保盡參選注擬諸事仍飭吏部長貳戒勵書鋪毋得妄生沮抑過爲僥求儻致士人詞訟卽送所司究治如此則參選之士稍無畱難以稱陛下優卹寒遠之意其他常行禁飭忠正德文集

卷一

三

條法更宜明加申戒旃示施行

論省部取受

臣嘗謂文昌政事之原朝廷號令之所出而四方之所取則也自分建六部增添吏祿所以責其盡公比因案牘散亡遂敢高下其手莫見首尾更相茈蒙大開賄賂之門啓覬覦之弊無復忌憚肆其經營或當緩而復先或已失而復得使孤遠寒士懷憤不平所向稽畱無以伸訴此風不革爲害滋深臣愚欲望聖慈特降睿旨應部有所取受及與之併行用者一等坐之厚立賞錢許

人赴御史臺陳告密令有司捕捉然後申聞取勘得實
並於常法外重作施行庶幾振起頽綱厭服人意

夫其論役法劄

按歷代名臣奏議
載此繫建炎三年

賦其書

臣竊惟免役之法起於熙寧之初當時中外臣僚論列
利害不可概舉大率優上戶斂下戶優富民斂貧民雖
單丁女戶以至僧道皆不獲免以其所斂養吏之餘謂
之寬剩是謂一稅之外更起一稅大失祖宗寬民之意
行之六十餘年今則由之而不知其害也陛下灼見紛
更之弊既不能復循舊制今乃於原額之外重增三分

忠正德文集

卷一

四

官戶更不減半其於祖宗之意益遠矣又如鈔券等錢
乃前日殘民之術靖康初卽已罷之近降指揮雖不賣
鈔而猶隨鈔納錢賣鈔納錢規圖苛細已非朝廷美事
乃令隨鈔納錢是何名目凡取於民亦須有名取之無
名不得無辭矣今國勢微弱強敵未和高城深池不足
恃堅甲利兵不足恃恃者惟民而已安可橫斂加賦重
失其心耶比來州縣用度不足雖知此法之弊而不以
爲言者幸其所斂以資闕乏獨京畿運判止官恪能言
之仍乞諸路依此施行其意甚善雖奉聖旨權免京畿

而諸路未罷也臣願陛下如恪所請遍行諸路且使斯民知此二事昨因臣僚建言而行今因臣僚申請而罷皆非朝廷本意則心悅而歸之此堯舜得民之道也祖宗得天下之術也幸陛下毋忽

乞勸獎翟興

按宋史興以建炎三年正月由京西北路兵馬鈐轄爲河南尹京西北路

安撫制置兼招討使

臣恭惟祖宗弓劍永閟伊洛乃自多事以來祭享有闕今唯權西京雷司翟興提兵保護亦稍嚴肅近聞差官到闕乞割鄧州以隸西京及乞借補官資獎勸有功朝忠正德文集

卷一

五

廷行下宣撫司相度竊詳京西止有翟興人馬體國輸忠專以保護陵寢爲意卽非其他統制之比除乞割鄧州等事當下所司相度外所有借補官資欲乞量事應副及於唐鄧比近縣分支移稅賦并每歲支降度牒百十道並仰專切崇奉陵寢仍乞降詔褒嘉不獨激勵一方忠義之士亦以副陛下奉先思孝之意

論防江民兵

日歷載建炎三年閏八月二十

二日有旨防江丁夫且令放散

臣聞有益於時者不計其所損有利於國者不恤其爲害非常之原黎民懼焉者凡以此故若於時無益而所

損則多於國無利而爲害則大不爲可也審量損益之宜明計利害之實變而通之以成天下之務而已臣竊見近降措置防江民兵指揮條具詳悉燦然有理然以臣觀之特文具非實效也點配料差騷動閭里拘畱往返奪其農時旣失民心有累子育元元之德重斂民怨必生意外不測之虞此皆所損之大者則其爲害可勝言哉雖然有益於時有利於國則民間禍患有所不顧於今之時爲國之計將如之何恃此長江以保宗社而已若指民兵爲防江之用則非也臣願擇守臣重其事

權選大將嚴其號令凡關津緊要分立寨柵輪差別將領兵巡邏大江限隔之遠不能馳突舟楫風水之虞不能畢濟如將能率衆兵不潰亡據地理之宜持牽置之勢雖有強敵未易遽前然而太行天險非不關防大河要津豈無隄備而卒致都城之禍者以將不能率衆而兵多潰亡也今之所患正在於此苟能作新士氣恢張國威不特防江可以防淮不特防淮可以長驅深入收復兩河不難也於此未得其術而欲以區區疲瘁之民爲防托禦敵之策臣竊惑之四方之俗勇銳好武莫如

西民而太平之久流於驕惰使之運餉築城猶可驅之而去責之防托禦敵則望風而遁矣臣不知江湖之民得與西民比乎西民且不可用而欲以責江湖柔弱之民可乎今以人丁點差擺布鋪分遇有警急馳報縣官各有地分馳至本界躬親守禦防江民兵的確利便獨在於此臣不知沿江村民曾習戰否乎沿江縣官曾統兵否乎今之縣官非學校士人則衣冠子弟使之率疲瘁柔弱之民以捍強敵雖立軍法日斬萬人臣知其必不爲用矣灼知其不可用而徒爾紛擾欲何爲乎臣所

忠正德文集

卷一

七

謂特文具非實效也流離失業遠近驚疑雖有免稅之文而自齋糧糗自辦器甲以至勾追點集之費未足償萬分之一江湖風俗輕浮易爲搖動方臘青溪之變可不念哉有損而無益有害而無利於茲可見意者或曰民兵防江本非戰鬪但令執幟近岸列爲疑兵而已臣謂不然平日無事不必設此萬一賊至中流鼓譟而進吾之正兵堅立不動能復有幾良善鄉民雖救死不暇其能成列不退乎蹂亂正兵因而失利者或有之矣若夫選委土豪占集忠勇乘危據險保護鄉閭雖未足爲

防江捍敵之用不猶愈於點丁而差不擇強弱不問貧富取充數而已邪臣僻陋書生不習用兵之利陛下試以臣言詢諸大將沿江之民可用以爲捍禦之兵乎今之縣官可用以爲統兵之將乎如其不可臣願陛下速賜罷去選委土豪召集忠勇各爲保護鄉閭之計毋使怨嗟之餘潛生變亂乘間而起重貽陛下之憂臣故不避煩言極陳其弊惟陛下省察

論敵退事宜

案宋史建炎四年正月己未金人陷明州乘勝破定海以州師來襲御舟

張公裕以大舶擊退之辛未命臣僚條具兵退之後措置之策駐蹕之所時鼎爲御史中丞此下五

忠正文集

卷一

七

篇以文義考之當卽此時所上

臣昨奉聖訓條具目今事宜臣竊謂今日之事所先者正在卻明越之兵然後圖取攻之效江左寧靜始可議立國之地臣嘗上言乞詔周望分兵出廣德邀其歸路今乞遣使督王瓊進軍宣州與周望會合仍責以不策應杜充之罪俾立功自贖及乞詔劉光世渡江駐軍蘄黃牽制荆南之兵與杜充相爲聲援并促韓世忠一如前來所奏爲邀擊之計或令與杜充會合於楚泗之間敵知江北兵衆歸路稍難必有退軍之漸或占據臨安

建康涉春不退卽乘暑熱併軍攻擊期於克復而後已
至於遴選監司守臣撫綏疲瘵分委重臣大將招納潰
亡計朝廷已有定議亦宜前期措置才俟事定卽日施
行如巡幸所宜則願以今歲爲戒臣謹別具已見仰瀆
聖聰

論修具事宜

臣竊謂國家多事之時固宜博詢衆議以究利害之實
至於參酌可否實當在廟堂之上若一委之於下則紛
紛辨論何所適從比蒙陛下詔諭羣臣條陳敵退事宜
忠正德文集 卷一 尤
各具已見悉已上聞矣今敵衆引去回鑿有期儻欲漸
圖恢復之謀則必經營立國之地臣願陛下明詔大臣
採摘羣策有便於今者取而施行之分陰可惜毋貽後
時之悔臣區區愚懇惟聖聰加察

論西幸事宜狀

案此篇永樂大典不載今
從歷代名臣奏議增入

臣昨奉聖訓條具目今事宜除已奏聞外臣竊惟東晉
渡江全有淮甸羣賢協力僅保一隅亦以其外無陵侮
之憂故也今強敵南侵視大江如履平地淮南非我故
有而江左郡縣凡都會形勢之地悉經蹂踐其視東晉

萬萬不侔矣雖欲立國於此其可得乎况能平定齊魯
恢復晉趙定建極宅中之計惟關中奧區兵民可恃太
祖皇帝時已有遷都之議陛下必欲經營中原當自關
中始今關中半失之矣欲經營關中當自蜀中始欲幸
蜀中當自荆南始雖然漢中鄰長安而興利鄰秦鳳太
平之久負販往來山谷險絕皆成蹊徑昨長安潰兵徑
趨興元全無阻遏自興元趨劔門更無棧道而劔門兩
閒亦有捷路可至成都然則蜀中所恃之險尚須措置
使絕不通行然後可保張浚之行專委召集西兵未聞

忠正德文集

卷一

三

營度守蜀也今岳鄂路通可擇使臣三兩人齎詔付浚
及選除利州夔峽等路監司守臣委之協謀爲守蜀之
備俟浚回報然後決意西行且駐荆南徐圖所向爲今
日計無踰於此者謹具條畫下項臣嘗謂天下之事必
有一定之論匹夫之謀一身商賈之謀一家亦不可繆
悠然轉徙終無所守况欲立國爲久遠之業去年四月
初陛下發臨安幸建康慨然有克復中原之意臣嘗上
言欲守江南當以淮爲外戶乞早發諸將屯守淮南委
杜克節制之兵旣不遣充亦不行淮卒不守也後欲守

江以民丁爲兵以王義叔爲使臣嘗上言民不足恃義叔不可用言卒不行而江亦不守也始議巡幸不敢爲戰守之策開關水陸棲泊會稽及洪州失守復幸平江爲決戰之議已而興國有警進不能前則移蹕四明自始及終元無定論儻林之平所遣海船不到則束手端坐更無脫免之計每思及此爲之寒心故臣謂巡幸之宜願以今歲爲戒也今秋旣不可再登海船則捨主流荆襄之行無術矣臣區區愚陋不足仰承睿訓惟陛下決擇

忠正德文集

卷一

三

論駐蹕戎服

臣見陛下自渡江及幸吳越每經郡邑必御戎服親部伍誠欲震耀神武激勵將士示以同甘苦之意然而人君之舉動不可以簡約自身朝廷之規模不可以權宜日削恭聞朝夕駐蹕行宮臣愚欲乞詔有司益禁旅乘輿服御正人君之威儀羽衛導從備朝廷之典禮應如平日巡幸故事稍加整肅雖不能庶幾萬一亦足以張國威消姦宄慰遠民望幸觀瞻之願

論畏避苟且欲上下任責

臣嘗謂方今之事所以易敗而難成者其害有二臺諫不盡言朝廷不任責不盡言則昧於利害之實不任責則忽於成敗之幾其欲保邦致治不亦難哉臺諫之不盡言也以朝廷惡聞其事拒之而不得言之而不得行與不言何異畏棄地之譏中變連和之策懼避敵之論力沮渡江之謀遂使遺患都城流毒淮甸生民淪陷社稷阽危是皆不任責以致之禍可既哉今陛下深鑒其失矣然今日之事與前日不侔議和之使係踵於道而兵禍不解初幸浙西再臨江左而防托未備則朝廷

忠正德文集

卷一

五

之責益重矣惟陛下與大臣圖之母蹈前車之失至於祖宗基業付託之重孰爲之子孫四海生靈歸附之心孰爲之父母此則陛下之責也當斯時負此責顧不艱哉唯自任不疑力行不屈赫然丕變庶幾有濟其或畏避苟且幸其無事則淪胥以敗未見有振起之漸昔劉備起漢疏屬志在靖難困敗沮辱之中而剛果之氣畧不少衰一時豪傑皆爲其用卒能以區區疲蜀屢困中原之師後世稱之號爲英主今陛下兩經大變艱難顛沛亦已極矣而天下之責尤不得辭之臣願陛下持志

宜益堅臨機宜益壯奮發天威之斷激昂神武之姿至
大至剛終始如一凡今日未獲之事躬自任之以風勵
天下使公卿任公卿之責將士任將士之責則內修外
攘舉在是矣實宗社之幸斯民之幸也

論回蹕

扈從錄建炎四年三月初四日有旨以初十日車駕進發鼎力言其不可初六日有

旨展至半月

臣於今月初一日嘗具愚懇仰瀆聖聽乞候浙西平定
及建康已有渡船的耗乃議進發竊聞昨日已降指揮
初十日巡幸平江外議紛然頗謂未便臣不知朝廷有

忠正德文集

卷一

三

無探報所報如何浙西之兵卽今何之平江境內曾無
侵陵建康之衆曾未渡江若平江之吉凶未知建康之
去畱未審則今來車駕將安往耶聞欲暫駐越州徐圖
所向因爲就食之謀然越州百里之內悉遭干戈不過
取之衢發諸州而陸路修阻艱於運漕儻未接濟何以
支吾倉皇之中益難措手兼敵人未遠狡詐難防萬一
分兵出奇姑爲回戈之勢則行在咫尺寧無震驚人心
一駭變故莫測臣雖淺陋慮猶及此也或爲軍儲窘迫
不能安居彼此不殊何由足備臣愚欲乞先遣王夔等

軍分屯嚴發不惟減省行在用度亦足張大聲勢應援浙西以俟建康寧息及平江保守無虞然後移蹕北遷似未晚也恭惟陛下以萬乘之尊負宗廟社稷之託凡茲舉動要當萬全前日頒降德音固已失之太遽如今日回蹕之事尚願少畱聖慮豈可堅執前議不虞後患臣採之衆論如此非臣管見敢有異同伏幸畱神省察

論親征

日歷載建炎四年四月十五日奉詔據李光等奏金人已節次渡江劄付臺諫照會

臣竊聞陛下徑欲巡幸浙西道路傳言人情震懼臣在溫台臚貢愚懇及每因奏事未嘗不開陳利害欲朝廷

忠正德文集

卷一

三

遠布耳目俟浙西寧靜及建康之兵盡已渡江然後回蹕徐議所之今聞朝廷遽有此舉必韓世忠之報敵騎窮蹙可以翦除陛下欲親總六師爲親征之計萬一世忠所報不實及建康之衆未退或爲回戈衝突之勢陛下何以待之勝敗兵家之常雖有萬全之策猶不免蹉跌况欲僥倖於意外耶兼饒信魔賊未除王瓊潰軍方熾陛下遽捨之而去或結連窺伺寧無回顧之虞茲乃社稷存亡之幾至危之道也臣願陛下少加睿察益嚴探報俟敵騎渡揚子乃幸浙西此亦聖慮所及前日訓

論之語臣嘗親聞之者若謂敵已窮蹙決保無他卽遣將襲之可也何至親煩車駕以陷不測之禍設若有成不足言功或萬一有失非如將佐可以脫身而遁事或至此悔無及矣惟幸畱神省覽

論放商稅等事狀

案筆錄建炎三年閏八月車駕在建康召百官議巡幸利害旋

有詔幸浙西明年四月自溫台至明越所過焚燒殆盡鼎論奏宜有以優卹之上惻然詔免商稅及

租役

臣竊見去歲之秋移蹕浙右嘗詔邸吏以上條具巡幸之宜凡有可以加惠遠方者莫不舉行之德至渥也今

忠正德文集

卷一

三五

自溫台復臨吳會所至郡邑悉經寇攘無聊憔悴之民欲赴訴于陛下者不啻赤子之投父母饑渴之丐飲食嗷嗷之情又非前日陛下懷惻怛之心視茲困弊亦將哀其窮而副其所欲乎願詔有司嚴飭州縣應經殘破之家特蠲今年賦役差率等事及竹木輒瓦米麵之類權與免稅使之營葺生理以漸復業起凋瘵之疾變愁歎之聲因之弭姦宄以消無窮之患也敵騎長驅肆行殘殺陛下無力以救之固非得已凡茲優卹之事力所可至者謂宜無惜至誠而神孰不忻戴是乃固邦本之

術謀恢復之漸也幸陛下誠心至意果於必行要令蒙
被實惠不徒爲掛牆壁之空文斯爲盡善事若緩而急
者惟陛下加察

乞命侍從薦舉人才

建炎四年五月十一日

入命

臣訪聞湖南北及江東西諸路帥守往往闕人行在侍
從除臺諫外止有綦宓禮汪藻兩人近汪藻在假不出
而郎官百司局務多差外官權攝昨雖有旨召謝克家
等又皆散在四方不能卽至亦不聞再行催促不惟國
體卑弱無以示天下緩急大事何所諮訪邦家以得賢

忠正德文集

卷一

五

爲基而人主以任賢使能爲職固不可緩也今帥守有
闕欲自外除授則多以事不行或不知居止所在欲自
行在遣行而又闕人如此遠方憔悴之民何所赴愬去
歲渡江之初首頒明詔許左右司郎官已並各薦二人
其閒以才能擢用者固多有之臣愚欲乞依去年體例
詔臺諫及左右司郎官已上各薦二人令所在州差人
給券限三日發赴行在審察賜對隨材任使仍令執政
大臣同其採擇在外侍從雖在謫籍別無大過而政事
才學實可用者廣行召擢庶幾閒有來者以備獻納論

思之職

論福建兩川鹽法奏

案此篇永樂大典不載今從歷代名臣奏議增入

臣竊惟國家歷茲厄運頻歲艱虞皇皇之民雖流離困苦之極而未嘗一日忘宋者以祖宗勦業之始結民心爲基本故也其于川廣福建之民尤加優卹以其疾苦赴訴去朝廷特遠而變亂竊發遽難救止故凡鹽酒之利與民同之而不加權近以國用窘急始議權福建之鹽尋欲權福建之酒臺諫臣寮數已開陳其弊言猶未行而近見張浚申明欲措置四川鹽酒爲經久之利是

忠正德文集

卷一

七

何中外不謀而同遠方之民亦不容其少安耶浚蜀人也蜀之利病宜自知之願陛下手詔諭浚俾令裁酌及令三省詳議福建鹽法所得所失孰大孰小毋致重失民心斯爲盡善惟祖宗肇造艱難欲垂法萬世而一時建立掃地殆盡獨此民心未至離散若併此而失之則大事去矣幸陛下留意

乞支降岳飛軍馬錢糧狀

皇皇之民流離困苦

臣今月二十六日準樞密院劄子三省樞密院同奉聖

旨除臣江南安撫制置大使

案宋史鼎除江東安撫大使繫紹興二年十月岳

飛除本路沿江制置使所以防秋合行事件合同共商
議疾速措置條具聞奏臣除已遵奉施行及候岳飛到
日別行條具外契勘本路江州興國南康軍並係沿江
控扼合屯軍馬去處其岳飛一軍月支錢一十二萬三
千餘貫米一萬四千五百餘石數目浩大近蒙朝廷差
撥岳飛軍兵一萬人往江州駐劄岳飛止差五千餘人
前去未敢盡數起發蓋緣去年本軍在彼屯泊之日錢
糧闕乏轉運司應副不繼有誤指揮致本軍殺馬剪髮
賣鬻妻子博易米斛幾致生事今來措置防秋盡發軍

忠正德文集

卷一

三

馬沿江把守兵衆費廣理合預行椿辦不可少有欠闕
臣見將岳飛一軍逐月所用糧食催督轉運司接運本
路米斛起發外唯是全闕見錢支遣若不控告朝廷給
降應副將來定致闕絕有誤軍事欲望聖慈體念本路
闕乏特降睿旨支賜錢四十萬貫準折金銀降下以充
本軍三月之用或將吉州權貨務見今入納錢物截止
盡數就便支撥候過防秋日住罷庶免臨時往復奏請

有誤國事

乞下湖北帥司隄備敵馬狀合行轉詳合行

臣昨據本路制置使岳飛申諸處探報李成劉麟會合
金兵有直趨蘄黃渡江之計臣以本路正當衝要控扼
江浙實係行朝利害不敢隱默節次具奏庶幾中外預
得爲備不至倉猝失措自十一月二十日以後探報少
緩而臣不卽以聞者以敵情不測萬一所傳不審有失
隄防或致衝突之患當料其有不料其無勿恃其不來
恃吾有以待之也今李成尚留漢上雖未聞追襲之耗
而經營襄鄧用意不淺蓋輕兵追襲爲患速而小占據
上流爲患緩而大計朝廷已有措置非臣愚慮所及緣
忠正德文集

卷一

三

上流旣失卽自漢陽而下沿江諸郡皆順流可至之地
不可一日弛備非特防秋而已臣已奏稟乞支降錢物
打造戰船不唯本路合行計置竊恐沿江諸路亦當如
此兼聞光州順昌府各儲糧十數萬今則未見動息觀
其意向必有所用臣除不住移文制置使岳飛及本司
所遣兵馬遠布耳目益嚴防守并召募硬探直往襄陽
以東伺察敵情外所有漢陽沌口係漢江下流湖北帥
司所隸更望聖慈特降睿旨嚴切戒約過爲隄備庶免
意外不虞之患

乞下湖北帥司防托武昌等處狀

臣契勘已依準聖旨措置沿江防秋事務緣昨來金人
自黃州張家渡渡江由湖北路鄂州武昌縣上岸方入
興國軍大冶縣界取山路以犯江西臣今相度如今路
興國軍大冶通山等處見候岳飛到擺布防托外有武
昌縣尤爲上流要害之地與大冶縣相去不遠欲乞朝
廷指揮湖北路帥臣速行措置選發將兵於武昌縣等
處分布屯守不測有警庶幾兩路張大聲援迭爲犄角
之勢共濟國事伏望聖慈特降睿旨詳察施行

忠正德文集

卷一

三

賜進士出身四川北兵備道加三級前翰林院編修臣吳傑恭刊
興國軍大冶通山等處見候岳飛到擺布防托外有武
昌縣尤爲上流要害之地與大冶縣相去不遠欲乞朝
廷指揮湖北路帥臣速行措置選發將兵於武昌縣等
處分布屯守不測有警庶幾兩路張大聲援迭爲犄角
之勢共濟國事伏望聖慈特降睿旨詳察施行

